

# STJÓRNARHÁTTAYFIRLÝSING

## TILGANGUR

Góðir stjórnarhættir eru að mati Stapa lífeyrissjóðs forsenda þess að starfsemi sjóðsins sé árangursrík og að sjóðurinn nái markmiðum sínum. Með góðum stjórnarháttum vill sjóðurinn leggja grunn að vönduðum og faglegum vinnubrögðum og góðum og uppbyggilegum samskiptum við sjóðfélaga og launagreiðendur sem greiða iðgjöld til sjóðsins. Þannig er stuðlað að trausti í samskiptum stjórnenda og starfsmanna sjóðsins við sjóðfélaga, launagreiðendur, viðskiptamenn og aðra þá sem samskipti eiga við sjóðinn. Hluti af góðum stjórnarháttum er að stefna að því að þjónusta sjóðsins sé ávallt til fyrirmyndar, hann ráði yfir öflugri upplýsingatækni og stuðli að gagnsæi í starfsemi sinni með því að veita góðar og áreiðanlegar upplýsingar.

Við mótun stjórnarháttanna hafa stjórnendur og stjórn sjóðsins haft til hliðsjónar almennt viðurkennd sjónarmið og leiðbeiningar um góða stjórnarhætti fyrirtækja.

## HLUTVERK STAPA LÍFEYRISJÓÐS

Samkvæmt lögum er öllum launamönnum og þeim sem stunda atvinnurekstur eða sjálfstæða starfsemi, rétt og skylt að tryggja sér lífeyrisréttindi með aðild að lífeyrissjóði frá 16 ára aldri til 70 ára aldurs. Þessari skyldutryggingu lífeyrisréttinda er ætlað að veita lágmarks tryggingavernd á þeim tímabilum ævinnar, þegar launatekna nýtur ekki við. Auk þessa gera lögin ráð fyrir því að einstaklingar geti safnað viðbótarlífeyrissparnaði til að stuðla að meiri sveigjanleika við starfslok eða rýmri fjárráðum á eftirlaunaárunum. Markmið laganna er að stuðla að tryggari fjárhagslegri framtíð starfandi fólks með því að byggja upp lífeyrisréttindi á starfsævinni. Stapi lífeyrissjóður er deildaskiptur sjóður, sem bæði veitir skyldutryggingu og býður upp á viðbótarlífeyrissparnað. Tryggingadeild sjóðsins sinnir skyldutryggingu lífeyrisréttinda og séreignardeild hans býður upp á mismunandi sparnaðarleiðir í viðbótarlífeyrissparnaði.

Hlutverk Stapa er að stuðla að fjárhagslegu öryggi sjóðfélaga sinna, maka þeirra og barna. Þetta gerir sjóðurinn með því tryggja sjóðfélögum, eftirlifandi mökum þeirra og börnum lífeyri í samræmi við samþykktir sjóðsins, þegar þeir láta af störfum að lokinni starfsævi eða verða fyrir áföllum vegna fráfalls eða skertrar starfsorku. Starfsemi sjóðsins felst í að taka við iðgjöldum frá sjóðfélögum, ávaxta þau og endurgreiða í formi lífeyris.

## LÖG OG REGLUR UM STJÓRNARHÆTTI SEM STAPI LÍFEYRISJÓÐUR FYLGIR

Stapi lífeyrissjóður starfar samkvæmt starfsleyfi frá Fjármálaráðuneytinu. Sjóðurinn starfar eftir gildandi lögum nr. 129/1997 um skyldutryggingu lífeyrisréttinda og starfsemi lífeyrissjóða. Sjóðurinn er eftirlitsskyldur aðili í samræmi við lög nr. 87/1998 um eftirlit með fjármálastarfsemi. Ýmis önnur lög taka til þátta í rekstri sjóðsins, auk reglugerða sem settar eru samkvæmt lögum, sem og reglur og leiðbeinandi tilmæli sem Fjármálaeftirlitið hefur sett um starfsemi lífeyrissjóða.

Þessu til viðbótar hefur sjóðurinn sjálfur sett sér reglur til að sinna hlutverki sínu sem best, s.s. starfsreglur stjórnar, skilgreiningu á óvenjulegum og mikilsháttar ráðstöfunum, reglur um lykilstarfsmenn, verklagsreglur um verðbréfavíðskipti, siðareglur, reglur um upplýsingagjöf til stjórnar, reglur um upplýsingagjöf til sjóðfélaga, reglur um fjárfestingaráð og heimildir þess og samskipti við framkvæmdastjóra og stjórn, reglur um endurskoðunarnefnd, reglur um varnir gegn peningabætti, auk fleiri reglna sem taka til einstakra þátta í starfsemi sjóðsins. Yfirlit yfir reglur um starfsemi sjóðsins má finna á heimasíðu hans [www.stapi.is](http://www.stapi.is).

## HLUTVERK STJÓRNAR OG SKIPULAG STAPA LÍFEYRISJÓÐS

Samkvæmt lögum ber stjórn Stapa lífeyrissjóðs ábyrgð á að starfsemi sjóðsins sé í samræmi við lög, reglugerðir og samþykktir sjóðsins. Stjórn sjóðsins skal einnig hafa á höndum almennt eftirlit með rekstri, bókhaldi og ráðstöfun eigna sjóðsins. Hún skal móta fjárfestingastefnu, móta innra eftirlit, skjalfesta eftirlitsferla og móta eftirlitskerfi sem gera sjóðnum kleift að greina, vakta, meta og stýra áhættu í starfsemi sjóðsins. Framkvæmdastjóri annast daglegan rekstur sjóðsins og skal hann fara eftir þeirri stefnu og fyrirmælum sem stjórn sjóðsins hefur gefið. Ráðstafanir sem eru óvenjulegar eða mikils háttar getur framkvæmdastjóri aðeins gert samkvæmt heimild frá stjórn sjóðsins. Hlutverk stjórnar er að kynna sér, gera sér grein fyrir og móta stefnu um þá áhættu sem fylgir starfsemi sjóðsins, þ.m.t. að setja henni ásættanleg mörk. Hluti þeirrar vinnu felst í að móta sérstaka áhættustefnu, ganga frá áhættuáætlun og móta fjárfestingastefnu, sem skilað er inn til Fjármálaeftirlits árlega.

Stjórn sjóðsins er kjörin á ársfundi hans og er hún skipuð 8 einstaklingum og skulu kynjahlutföll vera jöfn. Kjörnir eru átta varamenn og gilda sömu reglur um þá. Stjórnin skipar endurskoðunarnefnd, sem í eiga sæti þrjár einstaklingar og regluvörð.

Nánari upplýsingar um skipurit Stapa lífeyrissjóðs má finna á heimasíðu sjóðsins [www.stapi.is](http://www.stapi.is).



*Í Viðidal*

## **INNRA EFTIRLIT OG ÁHÆTTUSTÝRING**

Stjórn sjóðsins ber ábyrgð á áhættustýringu og innra eftirliti hjá sjóðnum og skal fylgjast með virkni þess. Stjórnin skal móta og samþykkja áhættustefnu og sjá til þess að virk áhættustýring sé til staðar hjá sjóðnum, sem tekur til allrar starfsemi hans. Áhættustýring skal innihalda skilvirka ferla og vinnulag. Hún þarf einnig að tryggja að framkvæmda- og áhættustjóri fylgist með því að þessir ferlar séu fullnægjandi og verklag sé skilvirkt.

Stjórnin hefur skípað endurskoðunarnefnd í samræmi við ákvæði 108. gr. laga nr. 3/2006. Endurskoðunarnefnd hefur eftirlit með vinnuferli við gerð reikningsskila, fyrirkomulagi og virkni innra eftirlits, innri endurskoðunar og áhættustýringar, eftirlit með endurskoðun ársreiknings, mat á óhæði endurskoðenda og endurskoðunarfyritækis og eftirlit með öðrum störfum endurskoðenda eða endurskoðunarfyritækis, fyrir sjóðinn. Endurskoðunarnefnd setur fram tillögur til stjórnar um val á endurskoðanda eða endurskoðunarfyritæki. Endurskoðunarnefnd fundar reglulega með innri endurskoðanda, áhættustjóra og eftir atvikum öðrum starfsmönnum sjóðsins og skilar um það skýrslum til stjórnar.

Auk stjórnendaeftirlits og eftirlits áhættustjóra hefur stjórnin ráðið innri endurskoðanda sem starfar skv. lögum nr. 129/1997 og reglum nr. 687/2001 um endurskoðunardeildir og eftirlitsaðila lífeyrissjóða. Innri endurskoðandi sjóðsins er KPMG. Innri endurskoðandi framkvæmir eftirlitsaðgerðir reglulega og skilar um það skýrslum til stjórnar. Innri endurskoðandi starfar í nánu sambandi við endurskoðunarnefnd og áhættustjóra.

Stjórnin hefur ráðið áhættustjóra, sem heyrir beint undir stjórn og starfar í umboði hennar. Áhættustjóri hefur umsjón með allri áhættustýringu og innra eftirliti hjá sjóðnum, þ.m.t. áhættuflokkun og skipulagi áhættustýringar og skal sjá til þess að stjórn sjóðsins og endurskoðunarnefnd hafi sem bestar upplýsingar um alla áhættustýringu og áhættustig, m.v. stefnu og samþykkt verklag. Áhættustjóri hefur yfirumsjón með mótun áhættustefnu og gerð áhættuáætlunar í samráði við framkvæmdastjóra, skrifstofustjóra og fjárfestingaráð. Áhættustefna og áhættuáætlun skal lögð fyrir stjórn til samþykktar.

Stjórnin hefur ráðið regluvörð, í samræmi við verklagsreglur sjóðsins um verðbréfavíðskipti. Regluvörður heyrir beint undir stjórn. Öll víðskipti starfsmanna og stjórnar, sem eru tilkynningarskyld, skulu tilkynnt til regluvarðar og hefur hann heimildir til að kalla eftir upplýsingum um víðskipti sjóðsins og úr skattframtölum starfs- og stjórnarmanna. Regluvörður gefur innri endurskoðanda reglulega skýrslu um störf sín, sem síðan eru tilgreind í skýrslu endurskoðanda til endurskoðunarnefndar og stjórnar.

## FJÁRFESTINGASTEFNA OG ÁHÆTTUSTEFNA

Stjórn sjóðsins hefur mótað fjárfestingastefnu fyrir sjóðinn. Fjárfestingastefnan lýsir stefnu sjóðsins við fjárfestingar og ávöxtun fjár sjóðfélaga. Fjárfestingastefna þarf að uppfylla þær kröfur sem gerðar eru í reglugerð nr. 916/2009 um fjárfestingastefnu lífeyrissjóða. Fjárfestingastefna tekur til fjölmargra atriða sem hafa þarf í huga við fjárfestingar. Hún lýsir þeim viðhorfum sem sjóðurinn hefur til fjárfestinga, hvernig fjárfestingastefna er mótuð, hvert skipulag fjárfestingastarfseminnar er, hver ávöxtunarmarkmið sjóðsins eru, hvert viðhorf sjóðsins er til áhættu og skilgreinir áhættuþol hans og markmið um áhættutöku. Stefnan skilgreinir í hvaða eignaflokkum sjóðurinn fjárfestir, hvernig eignasöfn eru sett saman, hver lausafjárþörf sjóðsins er til að mæta útgreiðslum, hvaða viðhorf eru til ríkjandi markaðsaðstæðna og hvernig eftirfylgni og upplýsingagjöf er háttað. Nánari upplýsingar um fjárfestingastefnu Stapa lífeyrissjóðs er að finna á heimasíðu sjóðsins [www.stapi.is](http://www.stapi.is).

Stjórn hefur mótað áhættustefnu og sett sjóðnum eftirlits- og hlítungarskrá. Í þessum reglum er að finna lýsingu á skipulagi sjóðsins, eignastýringar og fjárfestingarstarfsemi, eftirlits og hvernig áhættustýringu sjóðsins og innra eftirliti er háttað, þ.m.t. aðgerðum til að tryggja að starfsemi sjóðsins hlíti þeim lögum og reglum sem um hann eru settar. Í áhættustefnu er öllum helstu áhættuþáttum í rekstri sjóðsins lýst, sem og þeim aðferðum sem hann beitir við að bera kennsl á, mæla og stýra þessum áhættuþáttum. Þar er skilgreind dagskrá um hvenær tiltekin aðgerð skuli framkvæmd, hver ber ábyrgð á framkvæmdinni og hver framkvæmir. Stjórn fær regluleg yfirlit og skýrslur um áhættu sjóðsins, niðurstöðu áhættumælinga og framkvæmd áhættustýringar, auk skýrslna um hlítungu við lög, reglur og stefnu, sem gerir henni kleift að hafa eftirlit með og meta árangur af gildandi áhættustefnu og skilvirkni áhættustýringarinnar. Nánari upplýsingar um áhættustefnu Stapa lífeyrissjóðs er að finna á heimasíðu sjóðsins [www.stapi.is](http://www.stapi.is).

## GILDI OG SAMFÉLAGSLEG ÁBYRGÐ

### *Markmið og gildi*

Sjóðurinn hefur skilgreint markmið um starfsemi sína gagnvart mismunandi hagsmunahópum og þau gildi sem stjórn og starfsmenn sjóðsins eiga að hafa sem leiðarljós í störfum sínum fyrir lífeyrissjóðinn og sjóðfélaga hans.

### *Samfélagsleg ábyrgð*

Stapi lífeyrissjóður telur að samfélagsleg ábyrgð sé mikilvægur þáttur í góðum stjórnarháttum. Stapi gerir sér grein fyrir því að hann hefur áhrif á kjör sjóðfélaga sinna, hann hefur áhrif á þá aðila sem hann fjárfestir í sem og efnahagsleg og félagsleg áhrif á félagssvæði sínu og nærumhverfi. Stapi hefur samfélagslega ábyrgð að leiðarljósi bæði inn og út á við í störfum sínum og athöfnum í samskiptum sínum við sjóðfélaga, starfsmenn, viðskiptavinum, þjónustuaðila og samfélagið í heild. Sjóðurinn hefur mótað sérstaka stefnu sem kölluð er „Leiðbeiningar og stefnumið um stjórnarhætti, fyrirvar og félagslega ábyrgar fjárfestingar“ þar sem lýst er eigendastefnu sjóðsins og viðhorfum til stjórnarhátta, umhverfis og félagslegrar ábyrgðar.

### *Samskipti við sjóðfélaga*

Sjóðurinn hefur sett sér reglur um samskipti við sjóðfélaga. Sjóðurinn sendir sjóðfélögum yfirlit um réttindi sín tvisvar á ári. Sjóðurinn býður auk þess upp á sjóðfélagavef, þar sem sjóðfélagar geta fengið upplýsingar um lífeyrisréttindi sín hjá sjóðnum auk upplýsinga um iðgjaldaskil og aðgang að rafrænum skjölum, sem þeim tengjast. Þá heldur sjóðurinn úti öflugri heimasíðu, þar sem finna má margháttaðar upplýsingar um sjóðinn og hagsmuni og réttindi sjóðfélaga, þar á meðal hvernig bera á sig að við að sækja um lífeyri ofl.

## UPPLÝSINGAR UM STJÓRNARMENN, ENDURSKOÐUNARNEFND, FRAMKVÆMDASTJÓRA, ÁHÆTTUSTJÓRA OG FJÁRFESTINGASTJÓRA:

### STJÓRN:

**Ágúst Torfi Hauksson**, stjórnarformaður, fæddur 1974

*Menntun:* Stúdentspróf frá VMA. Vélstjóri frá Vélaskóla Íslands, B.Sc. í vélaverkfræði frá Háskóla Íslands, M.Sc. í vélaverkfræði frá University of British Columbia, Kanada

*Aðalstarf:* Framkvæmdastjóri Norðlenska matborðsins ehf.

*Starfsferilságrip:*

1999: Vélstjórn til sjós og lands meðfram skóla  
1999-2002: Kennsla og aðstoð við rannsóknir við UBC í Kanada  
2002-2005: Almenn verkfræðistörf hjá VGK  
2005-2011: Framkvæmdastjóri hjá Brim hf.  
2011-2012: Forstjóri Norðurorku  
2012-2013: Forstjóri Jarðborana hf.  
2013-2015: Rekstrarráðgjöf, sjálfstætt starfandi  
2015- Framkvæmdastjóri Norðlenska matborðsins ehf.

*Hvenær kosinn í stjórn sjóðsins:*

Fulltrúi SA. Varamaður frá ársfundi 2007, aðalmaður frá ársfundi 2011. Varaformaður stjórnar frá ársfundi 2015. Formaður stjórnar frá ársfundi 2016.

*Önnur trúnaðarstörf, þ.á.m. stjórnarseta í öðrum félögum:*

Formaður stjórnar Vaðlaheiðarganga hf.  
Stjórnarmaður Orkeyjar ehf.  
Formaður skólaneftdar VMA  
Stjórnarmaður í Landssambandi sláturleyfishafa  
Stjórnarmaður í Menningarfélagi Akureyrar

**Pórarinn Guðni Sverrisson**, varaformaður stjórnar, fæddur 1962

*Menntun:* Búfræðingur frá Hvanneyri

*Aðalstarf:* Formaður og framkvæmdastjóri Öldunnar stéttarfélags

*Starfsferilságrip:*

1978-2005: Ýmis störf við fiskvinnslu, sjómennsku, smíðar, landbúnaðarstörf og verksmiðjuvinnu

1995- Bóndi meðfram annarri vinnu

2005- Formaður og framkvæmdastjóri Öldunnar stéttarfélags

*Hvenær kosinn í stjórn sjóðsins:*

Fulltrúi stéttarfélaga. Kjörinn varamaður í stjórn á ársfundi 2008. Kjörinn aðalmaður á ársfundi 2010. Formaður stjórnar frá ársfundi 2011 til ársfundar 2012. Vék úr stjórn á ársfundi 2012 en var kjörinn aftur í stjórn á ársfundi 2014 og formaður stjórnar frá ársfundi 2015. Varaformaður stjórnar frá ársfundi 2016.

*Önnur trúnaðarstörf, þ.á.m. stjórnarseta í öðrum félögum:*

Formaður Öldunnar stéttarfélags  
Stjórnarformaður Altomar ehf.  
Stjórnarformaður Vöðla ehf.  
Stjórnarformaður í Farskóla Norðurlands-vestra

**Erla Jónsdóttir**, fædd 1974

*Menntun:* B.Sc. í rekstrarfræðum frá Háskólanum á Akureyri

*Aðalstarf:* Fjármálastjóri FISK-Seafood ehf

*Starfsferilságrip:*

1999: Aðalbókari hjá Skagstrendingi hf.  
1999-2005: Skrifstofustjóri Skagstrendings hf.  
2004- Í framkvæmdaráði FISK-Seafood ehf.  
2005- Fjármálastjóri FISK-Seafood ehf.  
2012- Gæðastjóri FISK-Seafood ehf. (ásamt fjármálastjórn)

*Hvenær kosin í stjórn sjóðsins:*

Fulltrúi SA. Varamaður frá ársfundi 2014. Tók sæti sem aðalmaður nóvember sama ár, var kosin í aðalstjórn á ársfundi 2015

*Önnur trúnaðarstörf, þ.á.m. stjórnarseta í öðrum félögum:*

Stjórnarmaður í Hólalaxi hf.  
Stjórnarmaður í Náttúru Fiskirækt ehf.  
Endurskoðunarnefnd Stapa lífeyrissjóðs

**Huld Aðalbjarnardóttir**, fædd 1968

*Menntun:* B.ed. frá KHÍ, LMI í stjórnun, próf sem viðurkenndur bókari.

*Aðalstarf:* Skrifstofu- og fjármálastjóri skrifstofu stéttarfélaganna á Húsavík

*Starfsárgrip:*

- 1993: Vinna við ferðaþjónustu og fiskvinnslu með skóla
- 1993-2000: Kennsla við grunnskóla og leikskóla
- 2000-2008: Skólustjóri í grunnskóla
- 2008-2013: Fræðslu- og menningarfulltrúi Norðurþings
- 2013- Skrifstofu- og fjármálastjóri skrifstofu stéttarfélaganna, Húsavík

*Hvenær kosin í stjórn sjóðsins:*

Fulltrúi stéttarfélaga: Kjörin sem aðalmaður á ársfundi 2014

*Önnur trúnaðarstörf, þ.á.m. stjórnarseta í öðrum félögum:*  
Stjórnarmaður í RARIK  
Stjórnarmaður í Landsamtökum lífeyrissjóða  
Endurskoðunarnefnd Stapa lífeyrissjóðs

**Kristín Halldórsdóttir**, fædd 1966

*Menntun:* Diploma í rekstrar- og viðskiptafræði, mjólkur- tæknifræðingur, mjólkurfræðingur. Stúdent frá MA.

*Aðalstarf:* Mjólkurbússtjóri MS á Akureyri

*Starfsferilsárgrip:*

- 1986-1987: Kennsla við grunnskóla 1986-1987
- 1987-2012: Starfandi í mjólkuriðnaði, lengst af sem gæðastjóri
- 2012- Mjólkurbússtjóri MS á Akureyri

*Hvenær kosin í stjórn sjóðsins:*

Fulltrúi SA. Aðalmaður frá ársfundi 2014

*Önnur trúnaðarstörf, þ.á.m. stjórnarseta í öðrum félögum:*  
Stjórnarmaður í Moltu ehf.  
Stjórnarmaður í Samtökum atvinnurekenda á Akureyri  
Nefndarmaður í framkvæmdanefnd Glerárkirkju  
Fulltrúi SA í heilbrigðisnefnd Norðurlands eystra

**Magnús E. Svavarsson**, fæddur 1954

*Menntun:* Meistari í bifvélavirkjun

*Aðalstarf:* Framkvæmdastjóri Vörumiðlunar ehf

*Starfsferilsárgrip:*

Unnið við ýmis störf, s.s. í mjólkursamlagi, fiski, við bústörf, bifvélavirkjun og í lögreglu. Hefur gegnt starfi framkvæmdastjóra yfir vörumiðlun frá 1979.

*Hvenær kosinn í stjórn sjóðsins:*

Fulltrúi SA: Kjörinn á ársfundi 2016

**Sverrir Mar Albertsson**, fæddur 1958

*Menntun:* Stúdent frá Flensborgarskóla, nám í Lækna- deild HÍ, fjölmiðlanám í Carleton University- School of Journalism, nám við HÍ í fjármálastjórn og verkefnastjórnun

*Aðalstarf:* Framkvæmdastjóri AFLs Starfsgreinafélags

*Starfsferilsárgrip:*

1983-1990: Blaðamaður, fréttastjóri og ritstjóri hjá NT og Alþýðusambandi Íslands  
1990-1998: Sjálfstætt starfandi við verslun, útgáfu og fasteignasölu  
1998-2005: Sjómennska í Noregi og Danmörku  
2005- Framkvæmdastjóri AFLs Starfsgreinafélags

*Hvenær kosinn í stjórn sjóðsins:*

Fulltrúi stéttarfélaga: Kjörinn varamaður á ársfundi 2013. Tók sæti sem aðalmaður í stjórn á árinu 2014. Kjörinn aðalmaður í stjórn á ársfundi 2015.

*Önnur trúnaðarstörf, þ.á.m. stjórnarseta í öðrum félögum:*

Stjórnarmaður í Útgáfufélagi Austurlands ehf.  
Stjórnarmaður í Námsveri ehf.  
Í miðstjórn ASÍ  
Ýmis nefndarstörf á vegum AFLs, ASÍ og lands- sambanda ASÍ

### Tryggvi Jóhannsson, fæddur 1973

*Menntun:* Grunnskólapróf, ýmis starfstengd námskeið

*Aðalstarf:* Starfsmaður hjá Þrif og Ræstivörum Starfsferilságríp:

- 1995-2000: Bónði
- 2000-2005: Þjónustufulltrúi hjá ISS Ísland
- 2005-2006: Öryggisvörður hjá Securitas
- 2006- Starfsmaður hjá Þrif og Ræstivörur

*Hvenær kosinn í stjórn sjóðsins:*

Fulltrúi stéttarféлага: Kjörinn varamaður á ársfundi 2014 og aðalmaður á ársfundi 2015.

*Önnur trúnaðarstörf, þ.á.m. stjórnarseta í öðrum félögum:*

- Formaður í stjórn Matvæla- og Þjónustudeild Einingar-Iðju
- Í stjórn Einingar-Iðju
- Í trúnaðarráði Einingar-Iðju
- Í samninganefnd Einingar-Iðju
- Trúnaðarmaður á vinnustað

## ENDURSKOÐUNARNEFND:

### Fjóla Björk Jónsdóttir, fædd 1965

*Menntun:* MBA, Viðskiptafræðingur af endurskoðunar-sviði frá HÍ

*Aðalstarf:* Kennsla og rannsóknir við Viðskiptadeild HA

*Starfsferilságríp:*

- 1994-1999: Skrifstofustjóri Hveragerðisbæjar, m.a. ábyrgð á uppgjöri bæjarsjóðs og staðgengill bæjarstjóra
- 2000-2004: Deildarstjóri í reikningshaldi Íslandsbanka með ábyrgð á uppgjörum bankans, dótturfélögum og samstæðunna
- 2004-2005: Verkefnisstjóri hjá Impru nýsköpunarmiðstöð
- 2007: Starfspróun hjá Akureyrarbæ
- 2005- : Aðjúntk við Viðskiptadeild Háskólans á Akureyri

*Önnur trúnaðarstörf:*

- Endurskoðunarnefnd Stapa lífeyrissjóðs frá 2010, formaður frá 2012
- Formaður endurskoðunarnefndar Byggðastofnunar frá 2010
- Formaður endurskoðunarnefndar Lífeyrissjóðs starfsmanna Akureyrarbæjar frá 2011
- Endurskoðunarnefnd Sparisjóðs Norðurlands 2012-2015

.....  
**Erla Jónsdóttir**, fædd 1974 (sjá hér að framan)

**Huld Aðalbjarnardóttir**, fædd 1968 (sjá hér að framan)

## STJÓRNENDUR:

### Ingi Björnsson, fæddur 1956

*Menntun:* Stúdent frá MA, B.Sc. og M. Sc í hagfræði frá háskólanum í Gautaborg í Svíþjóð.

*Aðalstarf:* Framkvæmdastjóri Stapa lífeyrissjóðs

*Starfsferilságríp:*

- 1983: Ýmis störf, m.a. við fiskvinnslu, byggingariðnað, lagervinnu, sjómennsku o.fl. (með námi)
- 1983-1988: Stundakennari við MA, VMA og Háskólann á Akureyri
- 1984-1988: Rekstrarráðgjafi og framkvæmdastjóri hjá Iðnþróunarfélagi Eyjafjarðar hf.
- 1988-1990: Fjármálastjóri Álafoss hf.
- 1990-1994: Framkvæmdastjóri Fjórðungssjúkrahússins á Akureyri
- 1995-2000: Framkvæmdastjóri Slippstöðvarinnar hf.
- 2000-2016: Útibússtjóri Íslandsbanka á Akureyri
- 2016- Framkvæmdastjóri Stapa lífeyrissjóðs

*Önnur trúnaðarstörf, þ.á.m. stjórnarseta í öðrum félögum:*

- Seta í ýmsum nefndum og stjórnnum fyrirtækja í gegnum tíðina
- Á ekki sæti í nefndum eða stjórnnum sem stendur



Á Svalbarðseyri

### **Jóna Finndís Jónsdóttir**, fædd 1974

*Menntun:* Stúdent frá MA, B.Sc. í jarðeðlisfræði frá Háskóla Íslands, M.Sc. í umhverfis og vatnaverkræði frá Háskólanum í Austin, Texas í Bandaríkjunum, Phd. í vatnaverkræði frá Háskólanum í Lundi í Svíþjóð. Próf í verðbréfavíðskiptum.

*Aðalstarf:* Áhættustjóri Stapa lífeyrissjóðs

#### *Starfsferilságríp:*

- 1996-1998: Mælingar og úrvinnsla hjá Vatnamælingum Orkustofnunnar (með skóla)
- 1998-2000: Aðstoð við rannsóknir hjá CRWR, við Háskólann í Texas (með skóla)
- 2000-2007: Fagstjóri hjá Vatnamælingum Orkustofnunar
- 2007-2012: Sjóðstjóri hjá Stapa lífeyrissjóði
- 2012- Áhættustjóri hjá Stapa lífeyrissjóði

*Önnur trúnaðarstörf, þ.á.m. stjórnarseta í öðrum félögum:* Á sæti í eigna- og áhættustýringarnefnd Landsamtaka lífeyrissjóða.

### **Arne Vagn Olsen**, fæddur 1972

*Menntun:* Stúdent frá MR, B.Sc. í sjávarútvegsfræði frá Háskólanum á Akureyri, MBA frá Copenhagen Business School, Danmörku. Próf í verðbréfavíðskiptum.

*Aðalstarf:* Fjárfestingastjóri Stapa lífeyrissjóðs

#### *Starfsferilságríp:*

- 1997-1998: Vinnslustjóri Útgerðarfélags Akureyringa hf.
- 1998-1999: Markaðsstjóri Útgerðarfélags Akureyringa hf.
- 1999-2003: Sjóðstjóri hjá Íslenskum verðbréfum hf.
- 2005-2012: Forstöðumaður markaðs- og sölusviðs Íslenskra verðbréfa hf.
- 2012- Fjárfestingarstjóri Stapa lífeyrissjóðs

*Önnur trúnaðarstörf, þ.á.m. stjórnarseta í öðrum félögum:* Stjórnarmaður í SF IV slhf. (stjórnarlaun renna til Stapa lífeyrissjóðs)  
Á sæti í fjárfestingaráði SÍA II slhf. (laun renna til Stapa lífeyrissjóðs)  
Á sæti í fjárfestingaráði SÍA III slhf. (laun renna til Stapa lífeyrissjóðs)